

Láhka

boazodoalu ja luondduealáhusaid struktuvradoarjjalága rievdadeamis

Riikkabeivviid mearrádusa mielde
gomihuvvojit boazodoalu ja luondduealáhusaid struktuvradoarjjalága (986/2011) 31 §:a 3 momeanta, 34 §:a 1 momeantta 5 čuokkis, 53 §:a 5 momeanta, 19 lohku ja 113 §:a 2 momeanta,
rievdaduvvojit 2 ja 3 §, 6 §:a 1 momeantta 2 ja 3 čuokkis sihke 3 momeanta, 10, 11, 22 ja 26 §, 36 §:a 2 momeantta 1 čuokkis, 37 §:a 1 momeanta, 38 §:a 1 čuokkis, 43 §:a 1 momeanta, 44 §:a 1 momeanta, 45 §:a 3 momeanta, 48 ja 49 §, 52 §:a 2 momeantta 2 čuokkis, 57 §, 61 §:a 1 momeanta, 70 §:a 4 momeanta, 73 §:a 3 momeanta, 89 §, 91 §:a 2 momeantta 3 čuokkis, 92 §, 94 §:a 2 ja 5 momeanta, 97 §:a 2 momeanta sihke 111, 114 ja 117 §; sihke
lasihuvvo 4 §:ii odđa 3 momeanta ja láhkii odđa 14 a §, čuovvovaččat:

2 §

Heivehansuorgi

Dát láhka heivehuvvo doarjagii, mii miedihuvvo boazodoalu ja eará luondduealáhusaid struktuvrra ja doaibmavejolašvuodaid buoridan ja ovddidan dihte ja mii ruhtaduvvo ollásit dahje muhtun muddui Eurohpá Uniovnna ruđain dahje aivvestassii riikkadási ruđain. Guolástussii dát láhka heivehuvvo sierra ovdduid hárrái. Dát láhka ii heivehuvvo boazoáiddi, man Suopma lea geatnegahtton ráhkadit riikkaidgaskasaš soahpamuša vuodul, ruhtadeapmái iige dan bajásdoallangoluide.

Doarjagiin, mat miedihuvvojit eanadoalu struktuvrra buorideapmái, mearriduvvo eanadoalu struktuvradoarjjalágas (1476/2007). Dát láhka goittotge heivehuvvo, jos boazodálus dahje luondduealáhusdálus jodihuvvon eanadoalus fidnejuvvon fitnodatolmmošboadut báhcet vuolábeallai dan uhcimusmeari, mii lea eaktun doarjaga miediheapmái namuhuvvon lága dahje dan vuodul mearriduvvon ákkaid vuodul dahje jos boazodoalu ossodat guoskevaš fitnodatolmmošboaduin sierranassii manná badjel namuhuvvon uhcimusmeari.

Doarjagiin, mat miedihuvvojit boazodoallobuktaga ja eará eanadoallobuktaga vuosttasdási ovddosdikšumii ja vuovdaleapmái sihke boazodálu dahje luondduealáhusdálu doaimma viiddideapmái boazodoalu dahje eará luondduealáhusa olggobeallai, mearriduvvo dálanguovllu ovddidandoarjjalágas (28/2014). Dát láhka heivehuvvo goittotge bálgosiid njuovahagaid ordeninvesteremiidda ja dálus dáhpuhuvvi dakkár doibmii, masa lea dárbu ealli- dahje šaddobuktaga válmmaštan dihte vuosttasdási vuovdima várás.

Láhka ii heivehuvvo doarjagii iige buhtadussii, mii miedihuvvo eanadoaluin bargi olbmo buvttadandoaimmas luohpamii. Láhka ii heivehuvvo fidnui iige doaibmabidjui, mii lea dorjovuvvon nuortalašlága (253/1995) vuodul.

Earret sierra ovdduid láhka ii maiddái heivehuvvo Eurohpá Uniovnna struktuvrafoanddaid dahje Eurohpá mearra- ja guolledoallofoandda ruđain ruhtadit oaivvilduvvon doarjagii iige Eurohpá Uniovnna oktasas guolástanpolitihka suorgái gulleaš doaibmabidjui.

3 §

Doarjjavuogádagat

Dán lágas doarjjavuogádagaiguin oaivvildit:

- 1) ealáhusbargi investerendoarjaga;
- 2) nuorra ealáhusbargi álggahandoarjaga;
- 3) ealáhusbargi vistehuksendoarjaga;
- 4) bálgosa investerendoarjaga;
- 5) bálgosa áiddiid bajásdoallandoarjaga;
- 6) dutkanruhtadeami; ja
- 7) sierra ovdduid.

Stáhtaráđi ášahusa vuodul mearriduvvo, guđemužžii 1 momeanttas namuhuvvon doaimmain dán lága mielde mearriduvvon doarjaga sáhtá miedihit.

4 §

Eatnandieđalaš heivehansuorgi

Dán lága vuodul addit oaivvilduvvon stáhtaráđi ášahussii sáhtá laktit kárta 2 momeanttas oaivvilduvvon guovllus.

6 §

Meroštallamat

Dán lágas oaivvildit:

2) luondduealáhusaiguin boazodoalu sihke eará eanadoalu; eará eanadoallun gehččojuvvo dalle eará luondduealáhusa oktavuodas smávát jođihuvvon dábálaš eanadoallobuvttadeapmi, ámmátlágan meahcebivdu, murjen ja guopparčoaggin sihke, earret guolástusa ja vuovdedoalu, luonddu joatkašuvvi buvttadannávccaide vuodđuduvvi luondduriggodagaid eará ávkinatin;

3) luondduealáhussii gullevaš ealáhusain guolástusa ja vuovdedoalu sihke dakkár ealáhusdoaimma, mii jođihuvvo luondduealáhusa oktavuodas dakko bokte go dat guoská luondduealáhusain dárbbášlaš bargoneavvuid ráhkadeapmái ja ordnemii, luondduealáhusa doarju bálvalandoibmii dahje luondduealáhusas fidnejuvvon buktagiid ovddosdikšumii;

Stáhtaráđi ášahusa vuodul sáhtá addit dárkilet njuolggadusaid luondduealáhussan geahččat oaivvilduvvon eanadoalus sihke boazododáluin ja luondduealáhusdáluin. Stáhtaráđi ášahusa vuodul addojuvvojit maiddá dárkilet njuolggadusat luondduealáhussii gullevaš ealáhusain sihke das, mo daid sáhtá váldit vuhtii boazodaollo- ja luondduealáhusfitnodagaid doarjjadohkálašvuoda árvvoštalađettiin.

3 lohku

Doarjaga oažžuma oppalaš eavttut

10 §

Doarjjaoažžu

Ealáhusa jodihandoarjaga, vistehuksendoarjaga ja sierra ovdduid sáhtta miedihit ovttaskas olbmui. Bálgosii sáhtta miedihit investerendoarjaga ja bálgosa áiddiid bajásdoallandoarjaga. Dutkanruhtadeami sáhtta miedihit ovttaskas olbmui, priváhta- ja almmosjuridihkalaš servošii sihke vuodđudussii.

Doarjaga sáhtta miedihit seamma doaibmabidjui moanaide ovttaskas olbmuide ovtta, jos dat buohkat devdet doarjaga miedihaneavttuid.

Ovttaskas olmmoš galgá leat badjel 18-jahkásaš, go ohcá doarjaga. Ássanvistti huksemii, viiddideapmái dahje ordnemii ii miedihuvvo doarjja badjel 60-jahkásaš olbmui iige eará doarjja badjel 65-jahkásaš olbmui.

Bálgosii sáhtta miedihit doarjaga dušše dalle, jos dat deavdá boazodoallolágas ásašuvvon geatnegahttimiid.

11 §

Doarjunvuloš doaibmabiju álggaheapmi

Ealáhusbargi investerendoarjja, ealáhusbargi vistehuksendoarjja, bálgosa investerendoarjja ja dutkanruhtadeapmi eai miedihuvvo ealáhusbargi, bálgosa dahje dutkanruhtadeami ohcci dakkár doaibmabidjui, mii lea juo álggahuvvon. Bálgosa áiddiid bajásdoallandoarjja ii miedihuvvo, jos áiddi leat bajásdoallagoahtán juo ovdalgo ohcamuš biddjojuvvui johtui. Nuorra ealáhusbargi álggahandoarjja ii miedihuvvo, jos dálldoallu lea álggahuvvon juo ovdalgo doarjjaohcamuš lea biddjojuvvon johtui.

Nuppeláhkai go ovdalis 1 momenttas daddjojuvvon, de bálgosii sáhtta miedihit doarjaga dakkár investeremii, man lea ferten ollašuhttigoahtit eará oassebeallái go boazodoallái čuoheci vahága hehtten dihte dahje bálgosii gulakeahtes siva dihte duššan dahje billašuvvan áiddi buhtten dihte.

Stáhtaráđi ásašusa vuodul addojuvvojit dárkilet njuolggadusat das, goas doaibmabiju sáhtta geahččat álggahuvvon. Stáhtaráđi ásašusa vuodul sáhtta addit dárkilet njuolggadusaid maiddá das, goas álggaheapmi lea vealtameahttun 2 momeanttas oaivvilduvvon siva dihte.

14 a §

Sierralágan doarjagat

Dat mii dálonguovllu ovddidandoarjjalága 13 §:s mearriduvvo doarjjahámiin, heivehuvvo dán lágas oaivvilduvvon doarjjavuogádagaide. Earret ovtahávášbuhtadusa doarjjahámiid ovdalis oaivvilduvvon doarjjahámiid sáhtta ruhtadoarjaga lassin geavahit maiddá loa-nahápmásaš doarjagii.

Stáhtaráđi ásašusa vuodul sáhtta addit dárkilet njuolggadusaid sierralágan doarjagiin, daid mearrašuvvama ákkain, nannemis, geavahančuozáhagain ja válljenmeannudeamis sihke geavahit oaivvilduvvon alimusdoarjjameriin ja -ossodagain. Dálonguovlovirgebáiki addá dárkilet

mearrádusaid dain čielggadusain, maid doarjjaohcci galgá ovdanbuktit áššáigullelaš doarjjahámi geavaheami doarjjan, sihke das, mo dáid čielggadusaid vuodul doarjja rehkenastojuvvo.

22 §

Fitnodatdoaibmaplána

Doarjja miedihuvvo, jos ohcci ovdanbuktá doarjunvuloš boazodoalu jodiheapmái guoskevaš plána (fitnodatdoaibmaplána), masa leat válđojuvvon mielde maiddá luondduealáhussii gullevaš ealáhusaid dieđut, go ohccojuvvo doarjja dálldoalu álggaheapmái. Fitnodatdoaibmaplána galget leat mielde 15—21 §:ain mearriduvvon eavttut ja doarjunvuloš doaibmabidjui guoskevaš dieđut. Dasa lassin plána galget leat mielde doaibmabiju ektui vuogas viidodagas boazodoalu ja eará luondduealáhusaid jodiheapmái guoskevaš ulbmilat, vuogit ulbmiliid jukšan dihte sihke árvvoštallan doaimma ovdáneamis. Jos doarjja ohccojuvvo smávva investere-mii, de fitnodatdoaibmaplána ii dárbbášuvvo.

Fitnodatdoaibmaplána galget ovdanbuktojuvvot dat doaibmabijut, mat dahkkojuvvojit 17 §:a 1 momaantas oavvilduvvon čatnaseami ollašuhttin dihte.

Stáhtaráđi ášahusa vuodul addojuvvojit dárkilet njuolggadusat fitnodatdoaibmaplána sisdoalus sihke das, goas dasa ii leat dárbu.

26 §

Nuorra ealáhusbargi álggahandoarjaga eavttut

Nuorra ealáhusbargi álggahandoarjaga sáhtá miedihit boazodoallái, guhte bargagoahtá bohccuiguin vuosttas háve dan maŋŋá go lea váldán badjelosas boazodálu ja álgá boazodoalus vástideaddji ealáhusbargin. Doarjaga sáhtá miedihit maiddá eará luondduealáhusbargái, guhte bargagoahtá luondduealáhusain dan maŋŋá go lea váldán badjelosas luondduealáhussii hejvvolaš dálu ja bargagoahtá vuosttas háve boazodoalu oktavuodas eará luondduealáhusain.

Álggahandoarjja ii miedihuvvo badjel 41-jahkásaš doarjjaohccái.

Stáhtaráđi ášahusa vuodul addojuvvojit dárkilet njuolggadusat álggahandoarjaga vuodul doarjut oavvilduvvon doaimmas ja dan álggahanáigemearis.

36 §

Stáhtaloana miedihaneavttut

Loatnaaddi sáhtá miedihit stáhtaloatnan dakkár loana:

1) man loatnaáigi lea guhkimustá 25 jagi;

37 §

Stáhtalotnii gullevaš doarjja

Stáhtalotnii gullevaš doarjjan sáhttá miedihit reantoovddu, reantofriiddjavuođa, oanádusa friiddjajagi dahje luoitit geatnegasvuodas háhkát stáhtalotnii dáhkáhusa. Stáhtaloana doarjjahámiid sáhttá ovttaštáhtit seamma stáhtaloanas.

38 §

Reantodoarjaga miedihaneavttut

Reantodoarjaga sáhttá miedihit stáhtabušehtas jahkásaččat nannejuvvon reantodoarjjaloanaid miedihanfápmudusa olis dakkár loana várás, man:

- 1) loatnaáigi lea guhkimustá 25 jagi;
-

43 §

Doaibmabiju ollašuhttináigi

Eará doarjunvuloš doaibmabidju go dutkan- dahje čielggadanfidnu galgá ollásit ollašuhttot guovtte jagi sisa doarjaga miediheamis. Nuorra boazodoallái dahje luondduealáhusbargái ealáhusa álggaheapmái miedihuvvon doarjaga doarjunvuloš doaibmabidjun adnojuvvo dalle dálui ja bohccuid háhkan. Doarjunvuloš doaibmabiju ollašuhttimii sáhttá goittotge ásahtit oanehet mearreáiggi, jos dasa gávdnojit ákkat doaibmabiju ollašuhttinvuogi dahje doaimma iešlági dáfus. Jos doarjja lea miedihuvvon hukseninvesterema oktavuodas luovos opmodaga háhkamii iige háhkama sáhte ollašuhttit ovdalgo hukseninvesteren lea gárvvásmuvvan, de rehkenastojuvvo mearreáigi hukseninvesterema gárvvásmuvvamis.

44 §

Doarjaga geavahaneavttut

Go doarjja geavahuvvo dávviriid dahje bálvalusaid háhkamii dahje agoarttain barggaheapmái, de heivehuvvo mii eanadoalu struktuvradoarjjalága 20 §:a 1, 5 ja 6 momenantas ja 40 a §:s mearriduvvo.

45 §

Ruhtadoallogeatnegasvuohta

Doarjjaoažžu galgá vurkkodit doarjunvuloš doaibmabidjui guoskevaš ruhtadoallomateriála nu go ruhtadoallolága 2 logu 9 ja 10 §:s mearriduvvo. Jos jearaldat lea Eurohpá Uniovnna ollásit dahje muhtun muddui ruhtadan prográmmii gullevaš doarjjagis, de ruhtadoallomateriála

galgá vurkkoduvvot uhcimustá golbma jagi das, go Eurohpá kommišuvdna máksá prográmma Eurohpá Uniovnna manjmuš ruhtadanossodatmávssu.

48 §

Doarjjaohcamuš

Doarjja ohccojuvvo elektrovnnalaččat neahttabálvalusas, mii lea oassi dálanguovllu ovddi-dandoarjijalága 50 §:s oaivvilduvvon diehtovuogádagas. Ohcci identifiserejuvvo neahttabálvalusas nana elektrovnnalaš identifiseremis ja elektrovnnalaš vuolláičállosiin addojuvvon lága (617/2009) 2 §:a 1 čuoggas oaivvilduvvon identifiserenvuogi vuodul. Doarjjaohcamuša sáhtta dahkat maiddái dán ulbmila várás nannejuvvon skoviin, mii galgá vuolláičállojuvvo.

Ohcamuššii galget laktojuvvo doarjaga miedihaneavttuid árvoštallama dáfus vealtameaht-tun áššegirjijt, čielggadusat ja plánat.

Ohcamuš oktan čuvvosiiguin vurkejuvvojit diehtovuogádahkii ja giedahallojit dan manjá eanaš elektrovnnalaččat. Skoviin dahkkojuvvon ohcamuš arkiverejuvvo elektrovnnalaččat, jos sierra siva dihte ii meannuduvvo nuppeláhkai.

Dálanguovlovirgebáiki addá dárkilet mearrádusaid doarjaga ohcamis geavahit oaivvilduvvon skoviin, 2 momeanttas oaivvilduvvon čuvvosiin sihke plánaid ja čielggadusaid ovdanbuk-tinvuogis ja elektrovnnalaš ohcama meannudanvugiin.

49 §

Doarjaga ohcan

Doarjaga ohcamii sáhtta ásaheavvot mearreáigi. Jos mearreáigi ii ásaheavvo, de doarjjaohcamušaid sáhtta čoadit doarjjabajiid mielde. Doarjjaohcamuš galgá doaimmahuvvot ELY-guovddášii.

Doarjaga ohcamii ásaheavvot oaivvilduvvon mearreáiggis ja doarjjabajiin sáhtta addit dárkilet njuolggadusaid stáhtarádi ásaheavva vuodul. Dálanguovlovirgebáiki addá dárkilet njuolggadusaid doarjjaohcama vuostáiváldima ja giedahallama teknihkalaš lágideamis, ohcamušáššegirjiide merket oaivvilduvvon merkejumiin sihke skoviin dahkkojuvvon doarjjaohcamušaid sirdimis diehtovuogádahkii.

Doaibmaválddalaš eiseváldin doaibmá Lappi ELY-guovddáš, jos manjelis 119 §:s dahje 127 §:a vuodul ii nuppeláhkai mearriduvvo.

52 §

Sámedikkiin ráddádallan

Ráddádallamiin galget giedahallojuvvo čuovvovaš áššit:

2) ruðaid stivren boazodollui ja eará luondduealáhusaide;

57 §

Ruhtadoarjjahápmásaš investerendoarjaga, vistehuksendoarjaga ja bálgosa áiddiid bajásdoallamii miedihuvvon doarjaga máksin

Boazodoallo- dahje luondduealáhusfitnodaga várás miedihuvvon investerendoarjaga ja vistehuksendoarjaga sihke bálgosa investerendoarjaga ja áiddiid bajásdoallandoarjaga máksin ohccojuvvo 48 §:a 1 momeanttas oaivvilduvvon neahttabálvalusa bokte. Doarjaga máksinohcamuša giedahallamii heivehuvvo, mii doarjjaohcamuša giedahallamis 48 §:s mearriduvvo. Máksinohcamuša sáhtá dahkat maiddái dán ulbmila várás nannejuvvon skoviin, mii galgá vuolláičállojuvvo. Ohcamuša guoddimii sáhtá ásaht govttolaš mearreáiggi, mii rehkenastojuvvo doarjjamearrádusa dahkama rájes dahje, jos jearaldat lea doarjunvuloš doaibmabiju mañimuš máksinohcamuša, de doarjunvuloš doaibmabiju ollašuhttima rájes. Ohcamuš galgá doaimmahuvvot doarjaga miedihan ELY-guovddášii.

Ruhtadoarjaga sáhtá máksit eanemustá viđa earis. Ruhtadoarjjan máksojuvvo eanemustá doarjjadási sihke miedihuvvon doarjaga meari vástideaddji ossodat máksinohcamuššii gullevaž dohkálaš goluin. Doarjjaoažžu galgá dárbbu mielde ovdanbuktit čielggadusa priváhta ruhtadeami ollašuvvamis.

Ruhtadoarjaga sáhtá máksit, jos doarjjaoažžu lea čuvvon doarjjaeavttuid. Dasa lassin máksima eaktun lea ahte doarjjaoažžui galgá leat duodaidge loahpalaččat čuohean namuhuvvon gollu, mii sáhtá gávnnavuvvot ja dasa lassin ruhtadoarjaga galgá geavahuvvot doarjunvuloš doaibmabidjui. Jos ruhtadoarjaga lea miedihuvvon hukseninvesteremii, de mañimuš earri máksojuvvo, jos hukseninvesteren lea ollásit dahkkojuvvon doarjjamearrádusa mielde. Máksinohcamuššii galget laktojuvvo ruhtadoarjaga máksineavttuid dáfus vealtameahttun ruhtadoalloáššegirjjit ja čielggadusat. Vistehuksemii miedihuvvon doarjaga máksimii ii goittotge dárbbas ovdanbuktit ruhtadoalloáššegirjjiid, muhto galgá baicce čájehit ahte huksendoibmii lea álgojuvvon nugo dohkkehuvvon goluin boahtá ovdan.

Dárkilet njuolggadusat golu duodalašvuoda, loahpalašvuoda ja gávnnahttivuoda árvoštallanákkain sihke gárvisvuodadási čajeheamis addojuvvojit stáhtaráđi ásahe vuodul. Ruhtadoarjjahápmásaš investerendoarjaga máksineriin ja máksinohcamuša guoddim mearreáiggi sáhtá addit dárkilet njuolggadusaid stáhtaráđi ásahe vuodul. Dárkilet mearrádusaid mávssu ohcamis geavahit oaivvilduvvon skoviin sihke máksinohcamuššii laktit oaivvilduvvon áššegirjjiin ja čielggadusain addá Dálonguovlovirgebáiki.

61 §

Loktenlohpi

Lobi doarjunvuloš loana dahje dan eari loktemii miedihva ohcamuša vuodul ELY-guovddáš. Loktenlobi ohcamii heivehuvvo, mii 57 §:a 1 momeanttas mearriduvvo mávssu ohcamis. Ohcamuššii galget laktojuvvo 57 §:a 3 momeanttas oaivvilduvvon áššegirjjit. Loktenlobi ohcamii sáhtá ásaheuvvot mearreáigi, man sáhtá guhkidit oktii ovdal mearreáiggi nohkama dahkkojuvvon ohcamuša vuodul. Mearreáiggi guhkideapmái galgá leat dohkálaš sivva.

70 §

Stáhtaloanaid ruđaid sirdin

Nuppástusat, mat dahkkojuvvojit stáhtalotnii fitnodaga sanerenlága (47/1993) mielde dahkkojuvvon ordnestallamis dahje priváhtaolbmo vealgeordnestallanlága (57/1993) mielde dahkkojuvvon ordnestallamis, dahkkojuvvo maiddá loatnalágádusa ja stáhta gaskasaš vealgái.

73 §

Stáhtavástu

Stáhtaloana dáhádussan geavahuvvon opmodaga eaktodáhtolaš ruhtan muhttin loana ruovttoluottabearramii čuoheci vuogi mielde oázžu dahkat dušše ELY-guovddáša guorraseami vuodul.

89 §

Fitnodatdoaibmaplána čuovvun

Doarjjaoázžu galgá ovdanbuktit fitnodatdoaibmaplánii gullevaš ulbmiliid ja doaibmabijuid ollašuvvančielggadusaid ELY-guovddášii.

Stáhtaráđi ásaheami vuodul addojuvvojit dárkilet njuolggadusat 1 momeanttas oavvilduvvon čielggadusaid sisdoalus. Dálonguovlovirgebaiki addá dárkilet mearrádusaid čielggadusaid ovdanbuktinvuogis sihke daid doaimmaheamis ELY-guovddášii.

91 §

Čuovvuma diehtovuogádat

Čuovvuma diehtovuogádahkii sáhttet vurkejuvvot ohccái, doarjjaoázžui, doarjunvuloš doaibmabidjui ja doarjaga geavaheapmái guoskevaš čuovvovaš dieđut:

3) fitnodatdoaibmaplánii ja huksenplánii gullevaš dieđut;

92 §

Dieđuid vurkkodeapmi

Diehtovuogádahkii gullevaš dieđut vurkkoduvvojit logi jagi doarjaga miedihanmearrádusa dahkama rájes. Jos doarjja lea miedihuvvon, de dieđut vurkkoduvvojit logi jagi ruhtadoarjaga mañimuš eari máksima rájes dahje stáhtaloana dahje reantodoarjaga vuollásaš loana mañimuš

eari loktema rájes, goittotge nu guhká go reantodoarjja máksojuvvot. Stáhtadáhkádussii guoskevaš dieđut vurkkoduvvojit dáhkádusa gustonáiggi dahje, jos dáhkideaddji vástu lea ollašuvvan, nu guhká go dáhkádusoažžuma sáhtá bearrat. Stáhtalotnii guoskevaš dieđut galget vurkkoduvvot nu guhká go loatnalágádusas lea stáhtalotnii guoskevaš oažžun loatnaoažžus dahje, jos loatnaaddi lea ohcan stáhtaloana buhtadusa Dálonguovlovirgebáikkis, gitta dassái go buhtadusoahcamuš lea lágafámolaččat čovdojuvvon. Jos jearaldat lea Eurohpá Uniovnna muhtun muddui ruhtadan prográmmii gullevaš doarjagis, de dieđut vurkkoduvvojit dasa lassin vihtta jagi das, go Eurohpá kommišuvdna máksá prográmma Eurohpá Uniovnna maŋimuš ruhtadanossodatmávssu.

94 §

Dárkkisteami dahkan

Vai dárkkisteapmi šaddá áššáigulleaš vuogi mielde dahkkojuvvot, de dárkkistanbargui sáhtá fápmuduvvot olggobeale ruhtadoalldárkkisteaddji. Ruhtadoalldárkkisteaddji galgá leat ruhtadoalldárkkistanlágas (1141/2015) dahje almmoshálddahusa ja -ekonomiija ruhtadoalldárkkistanlágas (1142/2015) oaivvilduvvon ruhtadoalldárkkisteaddji dahje ruhtadoalldárkkistansearvvuš. Ruhtadoalldárkkistansearvvuš galgá nammadit ruhtadoalldárkkisteamis vástideaddji ruhtadoalldárkkisteaddji. Dárkkistanbarggu hárrái heivehuvvojit hálddahusláhka (434/2003), giellalahka (423/2003), sámi giellalahka (1086/2003) sihke eiseválddi doaimma almmolašvuodalahka (621/1999). Ruhtadoalldárkkisteaddji heivehuvvojit rihkusvuoigatvuodalaš virgevástonjuolggadusat, go son čadaha dárkkisteami. Vahátbuhtadusa birra mearriduvvo vahátbuhttenlágas (412/1974).

Bolesa geatnegasvuodas addit virgeveahki mearriduvvo boleslága (872/2011) 9 logu 1 §:s.

97 §

Doarjjaoažžu almmuhangeatnegasvuohta ja ovdadiehtu

Doarjjaoažžui sáhtá bivdaga vuodul addit čadni ovdadieđu das, dagahago plánejuvvon doaibmabidju, mii guoská 17 §:a 1 momenantas oaivvilduvvon čatnaseapmái, fitnodatdoaibmaplánii, jođihuvvon ealáhussii dahje doarjunvuloš opmodaga nuppástuvvamii dahje luohpa-deapmái, 95 §:a 1 momenantas dahje 96 §:s oaivvilduvvon čuovvumuša. Ohcamušas galgá jerojuvvot čielgasit, mas ovdadiehtu ohccojuvvot, ja galgá dahkkojuvvot ášši čoavdin dihte dárbblaš čielggadus. Ovdadihtui guoskevaš ELY-guovddáš mearrádus lea fámus jagi dan addima rájes. ELY-guovddáš ii sáhte spiehkastit iežas addin ovdadieđus muđui go dalle, jos ohcci ii leat ollašuhttán iežas doaibmabiju nu go ovdadihtui guoskevaš ohcamušastis lea ovdanbuktán dahje jos ohcci lea ovdanbuktán ovdadieđu oažžun dihte boasttolágan dahje váilevaš dieđu.

111 §

Mearrádusa mávssuvulošvuohta

Dán lágas oaivvilduvvon mearrádus boahtá ohccái ja doarjjaoažžui nuvtá. Meahciráddehusa mearrádussii sierra ovddus ja 97 §:a 2 momeanttas oaivvilduvvon ovdadihtui guoskevaš mearrádussii heivehuvvo, mii stáhta máksinággalágas (150/1992) mearriduvvo, goittotge nu ahte dakko bokte go mearrádus guoská sierra ovdui gullevaš doarjjagii, de mearrádus boahtá nuvtá.

114 §

Teknikkalaš veahkki

Teknikkalaš veahki geavaheamis dán lágas oaivvilduvvon doarjaga ollašuttimii heivehuvvo, mii teknikkalaš veahki geavaheamis dálanguovllu ovddidandoarjjalága 65 §:s mearriduvvo.

117 §

Fápmuiboahhtin

Dát láhka boahtá fápmui odđajagemánu 1. beaivve 2016.
Dáinna lágain gomihuvvo boazodoalu ja luondduealáhusaid ruhtadanláhka (45/2000).
Dát láhka heivehuvvo 3 §:s oaivvilduvvon doarjjavuogádagaide, mat leat váldojuvvon atnui stáhtaráđi ásaheami vuodul.

Dát láhka boahtá fápmui odđajagemánu 1. beaivve 2016.
Dáinna lágain gomihuvvo boazodoalu ja luondduealáhusaid struktuvradoarjjalága 2 ja 8 §:a rievdadeami birra addojuvvon láhka (32/2014).
Dán lága 11 §:a 2 momeanta ii heivehuvvo, jos Eurohpá kommišuvdna ii leat guorrasan dasa.

Helssegis juovlamánu 30 beaivve 2015

Dásseválddi presideanta

Sauli Niinistö

Johtalus- ja kommunikašuvdnaministtar Anne Berner